

**BOSNA I HERCEGOVINA
FEDERACIJA BOSNE I HERCEGOVINE
FEDERALNO MINISTARSTVO KULTURE I SPORTA –
FEDERALNO MINISTARSTVO KULTURE I ŠPORTA**

P R A V I L N I K

**o čuvanju i upotrebi pečata
Federalnog ministarstva kulture i sporta**

Sarajevo, juni 2023. godine

Na osnovu člana 56. stav (2) Zakona o organizaciji organa uprave u Federaciji Bosne i Hercegovine („Službene novine Federacije BiH“, broj 35/05), a u skladu sa Zakonom o pečatu Federacije Bosne i Hercegovine („Službene novine Federacije BiH“, br. 2/94, 21/96 i 46/07), federalna ministrica kulture i sporta d o n o s i

P R A V I L N I K

o čuvanju i upotrebi pečata Federalnog ministarstva kulture i sporta – Federalnog ministarstva kulture i športa

I O P Ā E O D R E D B E

Član 1.

Ovim Pravilnikom utvrđuju se broj i vrsta pečata Federalnog ministarstva kulture i sporta (u daljnjem tekstu: Ministarstvo), čuvanje pečata, način upotrebe i način čuvanja pečata, način uništavanja pečata i druga pitanja u vezi s upotrebom i čuvanjem pečata.

Član 2.

Pečat Ministarstva okruglog je oblika, prečnika 50 mm (u daljnjem tekstu: veliki pečat) i pečat manjeg prečnika 20 mm (u daljnjem tekstu: mali pečat). Sadržaj pečata je:

Bosna i Hercegovina
FEDERACIJA BOSNE I HERCEGOVINE
FEDERALNO MINISTARSTVO KULTURE I SPORTA –
FEDERALNO MINISTARSTVO KULTURE I ŠPORTA
S A R A J E V O

Tekst je upisan latinicom, bosanskim i hrvatskim jezikom u koncentričnim krugovima.

Broj velikih pečata je dva i označeni su arapskim brojevima 1. i 2, a broj malih pečata je dva i označeni su arapskim brojevima 1. i 2.

II ČUVANJE PEČATA

Član 3.

Veliki pečati označeni arapskim brojevima 1. i 2, a mali pečati označeni arapskim brojevima 1. i 2. i čuvaju se i koriste u Kabinetu ministrice.

Član 4.

Federalna ministrica kulture i sporta (u daljnjem tekstu: ministrica) rješenjem određuje osobe koje čuvaju i koriste pečate.

Član 5.

Pečati se moraju čuvati i koristiti na način da se onemogući njihova zloupotreba.

Pečati moraju biti zaključani u sefu, a može ih koristiti samo ovlaštena osoba.

Član 6.

U Ministarstvu se vodi posebna evidencija o dobivenim pečatima koji su u upotrebi.

Evidencija se vodi u vidu posebne knjige - *Evidencija o pečatima*.

Knjiga iz stava (2) ovog člana mora biti povezana i stranice numerisane.

Podaci o evidenciji o pečatima unose se mastilom ili hemijskom olovkom, čitkim rukopisom.

Pogrešno upisani tekst precrtava se tankom horizontalnom linijom iznad koje se upisuje novi tekst i to ovjerava potpisom osobe ovlaštene za rukovanje pečatima u Kabinetu ministrice.

Evidenciju o pečatima vodi viši referent za uredsko poslovanje i odgovoran je za blagovremeno i pravilno vođenje evidencije o pečatima, kao i tačnost upisanih podataka.

III UPOTREBA PEČATA

Član 7.

Pečatom se utvrđuje autentičnost službenih akata Ministarstva.

Veliki pečat upotrebljava se za ovjeravanje službenih akata i dokumenata Ministarstva koje potpisuje ministrica, odnosno osoba koju ministrica ovlasti.

Mali pečat upotrebljava se za potvrđivanje službenih legitimacija, finansijskih i drugih dokumenata.

Član 8.

Pečat se stavlja s lijeve strane pored potpisa ministrice, odnosno osobe ovlaštene za potpisivanje odgovarajućeg akta, u skladu s ovim Pravilnikom, po ovlaštenju ministrice.

Ukoliko u svojoj odsutnosti ministrica imenuje osobu za potpisivanje svih akata, o tome se donosi rješenje, a rješenje se dostavlja Kabinetu ministrice i Protokolu i signira na osobu zaduženu za potpis.

Pečat se stavlja s lijeve strane potpisa ovlaštene osobe za potpisivanje službenih akata.

Pečat na službene akte Ministarstva stavlja isključivo osoba koja je rješenjem ovlaštena čuvati i koristiti pečat.

Osoba koja je ovlaštena za čuvanje pečata odgovorna je za stavljanje pečata na potpisane službene akte Ministarstva.

Član 9.

Nepridržavanje odredbi o upotrebi i čuvanju pečata predstavlja težu povredu službene dužnosti i podliježe disciplinskoj odgovornosti, u skladu sa zakonom i Pravilnikom o disciplinskoj i materijalnoj odgovornosti uposlenika Ministarstva.

IV UNIŠTAVANJE PEČATA

Član 10.

Pečat koji se zbog istrošenosti ili drugih razloga ne može koristiti, mora se odmah uništiti.

Ministarstvo je dužno pečat koji zbog istrošenosti ili iz drugih razloga nije za upotrebu dostaviti Federalnom ministarstvu pravde.

Smatra se da pečat nije za upotrebu zbog toga što se ne vidi tekst koji daje otisak.

Uništavanje neupotrebljivih pečata vrši Federalno ministarstvo pravde.

Primjerak zapisnika o uništavanju pečata od strane Federalnog ministarstva pravde evidentira se u knjigu evidencije iz člana 6. ovog Pravilnika.

Član 11.

Ukoliko nestane pečat, osoba zadužena za čuvanje i upotrebu pečata dužna je prijaviti ministrici nestanak pečata.

Ukoliko osoba ovlaštena za čuvanje pečata prijavi nestanak pečata, ministrica je dužna odmah prijaviti nestanak pečata Federalnom ministarstvu unutarnjih poslova, te nestanak oglasiti u „Službenim novinama Federacije BiH“.

Obavještenje iz 1. stava ovog člana treba sadržati otisak nestalog pečata i datum njegovog nestanka, kao i podatak kada je nestanak pečata oglasen u „Službenim novinama Federacije BiH“.

V ZAVRŠNE ODREDBE

Član 12.

Rješenja o određivanju osoba koja čuvaju i koriste pečate donijet će ministrica u roku od pet dana od dana stupanja na snagu ovog Pravilnika.

Član 13.

Ovaj Pravilnik stupa na snagu danom donošenja.

Član 14.

Stupanjem na snagu ovog Pravilnika prestaje važiti Pravilnik o čuvanju i upotrebi pečata Federalnog ministarstva kulture i sporta – Federalnog ministarstva kulture i športa broj: 06-02-2750/23 od 16. 5. 2023. godine.

Broj: 06-02-4-2941/23 J.Č.
Sarajevo, 6. 6. 2023.



MINISTRICA

Sanja Vlasisavljević